

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadí

**BAALO KOANBALA TAANLI
JAGA DOAGIDIMA**

(PP-G N°015-2025)

Pengidiwende Silibeedi WEDIRAWOGO

Wagidugu, li binli 2025 cinaa dana 24

Baalo Koanbala taanli den kali Wagidugu
nani ban maani ki tiedi maama dana lele kuli,
li binli 2025, cinaa dana 16, alaalibu daali
ki cili leeru 9 yogunu ki ban gbeni leeru 11 leni miniti 34,
Kapitenni Ibirayimi TARAWARE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po,
ki puni u sanu bi niba n gedi dietoama nni ti Diema yeli po.

I. A JAGA

I.1. YAA KOANBADIEGU N DIIDI TI DIEMA LOAGU LENI I LIGI

A koanbala taanli tuo **tiwaankaali yenli** yaali n tuugi leni Baalo n gaa yaa diegu ki baa yaa yaa pa i diekuani ligi yaa koanbadiegu n die i laabaali, ku maasuagu, i nii tagima leni yanluadi goada tuona po.

Laa diegu tie dietuatuada lie Bobo dogu nni Afiriki (i niboandogi) jeliti tuonsoandiegu po. Laa diegu gaama baa teni baalo diekuani ligipani tugili n wadi ki go teni bi tuonsoanba n yaa tuuni yaa kaanu n dagidi.

Laa tiwaankaali tuoma baa cuani laa diegu baama saliwuudi tuonli cenli namu po.

I.2. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

A koanbala taanli tuo **tiwaankaali yenli** yaali n tuugi leni Siera Leyonni diema n tieni yaa miabu ki baa soani bi tondo Bulicina Faso nni.

A koanbala taanli puni u sanu ke ban soani **Mohamedi Hasanni KAYISANBA**, joa, ke wan tua Siera Leyonni diema tondo Bulicina Faso nni, o yekaanu baa tua Akara dogu nni lan tie Gana.

I.3. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA

A Koanbala Taanli taa **masienkaama tila taa (03)**.

Mi masienkaama tikpiali dini a kpaadidiena saliwuudo tuonsoanba lele (7) ke bi tua a kpaadidiena saliwuudo goandikaaba.

Laa masienkaama tili taama teni ke bi pugini laa niba baabi (bali) ke li yegi leni mi masienkaama tili yaali yaa lanba n tie 2017-

0885/PRES/PM/MJDHPC/MINEFID ki tie ban den taa yaali li binli 2017 cilele dana 21 ki waani yaa sanbila n baa yaa gobidi a kpaadidiena saliwuudo tuonsoanba bali puginma.

Mi masienkaama tilieli tuugi leni mi diema n tuo yaa bila ke bi tua ti diema kpienbila (li tie yaa bila yaa danba n kpe bu toabu nni).

Laa masienkaama tilieli baa teni ti diema jakoanda, duanni tuonsoanba leni a bonwaala leni ti mabuoli cogu tuona goandikaaba yaaba n kpe bu toabu nni bi a nibiada tuonbiada nni **bila, bonwaala kobiga n piimuu n binii (158)** n tua mi diema kpienbila.

Laa masienkaama tili taama teni ke biwaala kobiga n piimuu n binii (158) yeni baa mi diema kpienbila n naani ki baa yaala kuli ke li tuugi leni li balimaama n°003-2022/ALT yaama n den taa li binli 2022 ciluoba dana 10 mi Diema kpienbila po.

Bi baa diani mi Diema kpienbila yela kuli Baalo laabaali tili nni.

Mi masienkaama titaali tuugi leni baalo n puni yaa canba u sanu ke bi baa ti dogu dotiema.

Bi niba leni ku diegu kubili sanbila tigobidikaali bili sanbila lie yo yua n bua ki baa ti dogu dotiema po. U sankpialu tie ki pa ti dogu dotiema tili yua n tie domaatielo. U sanlielu mo tie ki pa ti dogu dotiema tili bi canba.

Yaa masienkaama tili ke bi taa yeni tuugi leni li sanbilieli. Li bali danba noanli bi canba yaaba n ye Bulicina Faso nni miabu, ki taa li jagili ki puni ba ti dogu dotiema tili.

Laa masienkaama tili taama teni ke baalo puni niba piilele n bilie (72) ti dogu dotiema tili keli tuugi leni mi masienkaama tili AN VII-0013/PF/PRES ki tie

ban den taa yaali li binli 1989 piiga n cilo dana 16 ke li cilini ki go soani bi niba leni ku diegu kubili sanbila tigobidikaali.

Yaaba n baa ti dogu dotiema tili kuli yela baa diani Baalo laabaali tili nni.

I.4. YAA KOANBADIEGU N DIIDI KUURAN TUONA LENI KI TINGA TUGU NNI PIAMA

Baalo koanbala taanli taa **masienkaama tili yenli** ki puni u sanu mi wulagbima tuonjaana NIWU leni NOORIGOLIDI NIWU SA n cili mi wulagbima tuona.

Yaa fanma n ye mi wulagbima sanu paabu tili nni tie **km² 52,8**.

Ban guu yaa wula banlu mi gbima puoli Niwu wulabuogu kani, lan tie Kuriwego porovensi nni, Pilato-Santirali desiyon nni baa pundi wula **tonni 20,223**.

Nani moala balimaama n bili maama, JILIBEYI BULICINA SARILI tuonjaali biinu tie 85% ke Bulicina mo die 15%.

Ban nua ke yaa ligi n baa kua baalo ligikpagu nni li tuonli yogunu kuli nni baa pundi **miliyaadi piimuu n yendo miliyon kobimuu n piiga n bonbilie n piinaa n tudiyenli n kobimuu n piitaa n kuumu lele (51 512 041 537)** sefa ligi.

Baalo n go guu mi wulagbima ligi yi mi findima po baa pundi **miliyaadi bonbilele miliyon piiluoba n bonbinaa n kobiga piiluoba n tuda muu n kobilele n kuyenga (7 064 165 701)** sefa ligi.

Ku wulabuogu kubili leni ku luonma ligi baa pundi **miliyaadi yendo miliyon kobilie n piilele n bitaa n kobiga piinaa n tuda lele n kobiya n piiga kuumu muu (1 273 147 915)** sefa ligi.

Laa tuonli baa waagi bina 8 ki go cuani tuona 204 bi niba po. Li tuonjaali yeni go baa kubi BISA GOLIDI SA wulagbima tuonjaali tuonsoanba.

Baalo koanbala taanli puogi li tuonli n nua yaa koanbala ke ban ŋanbi ki faami li tuonjaaali n ŋoadi yaala n diani mi wulalingima leni mi wulagbima tila nni ke Bulicina Faso n da luo wan naani ki baa yaala kuli.

Laa masienkaama tili taama baa teni mi wulagbima tuonjaacianli NORIGOLIDI NIWU SA n cili mi wulagbima tuona ke li yegi leni mi balimaama n°016-2024/ALT ki tie ban taa yaama li binli 2024 cilele dana 18 ki ñani a sanbila li wulagbili po Bulicina Faso nni.

II. I LAABAALITENKE

II.1. Yaa koanbali n todi u loagu leni i ligi tuona koanbali, wani yua n gobidi i ligi bogina tuona den puni a koanbala taanli yaa laabaalu n tuugi leni a tuona n cuoni maama yaa koanbadiegu n diidi a biwaala cogu leni ti maamaama findima (MENAPELENI) tuonsoanba coali leni laa koanbadiegu tuonsoanba nmapani tili nni yaa paadima n ye.

Bi den kali 2024 piiga cilie o dana 4 hali ki ban pudi o 19 daali ki tieni mi biigima ki baa diidi yaa koanbadiegu n den yi MENAPELENI tuonsoanba coali ki go le ban gaani yaa nmapani tili nni li ya noa li fuuli.

Ban soani li tuonli ki gbeni bi sua ke laa koanbadiegu tuonsoanba coali tie niba 135 931. Lani n tie yaaba n tuuni i dociami nni leni a dobila nni, yaaba n da ñani baalo nni ki tuuni tuonsoandietoadi nni, yaaba n da sieni bi tuonli baalo nni ki ñani ki tuuni kaanto, yaaba n da ye mi bangima, yaaba ke bi da sieni bi tuonli leni yaaba n gaa bi fuodima.

Laa fididiidima todi ke bi laa ki go sieni tuonsoanba **7 195 yaaba n bi gaani bi nmapani taalimalie nmaalo kuli nni**. Ban fidi ki nanbi a tila ki gbeni puoli, bi sua ke bi tuonsoanba kuli coali ji tie niba **128 736**.

Ban tieni mi paadima yaa koanbadiegu n den yi MENAPELENI tuonsoanba coali leni yaa tuonsoanba yaa yela n den diani a tila nni, bi sua ke:

- tuonsoanba 3 124 yaa yela n ye a tila po ama ki naa ye yaa masinli nni ke bi bogindi bi tuonsoanba nmapani (SIGASIPEYE);
- tuonsoanba 125 612 yaa yela n diani bi tuonsoanba tili nni ki gaani bi nmapani SIGASIPEYE nni ke bi siiga tuonsoanba 125 273 moyo ke MENAPELENI den pa ba i nmaligi, tuonsoanba 339 mo ke bi den daame ke bi ye laa koanbadiegu nni ama ke koanbadietoadi leni tuonsoanjaatoana n pa ba bi nmapani ;

- tuonsoanba 1723 n den gaani i ηmaligi SIGASIPEYE nni MENAPELENI yeli po ama ke bi yela naa diani bi tuonsoanba tili nni.

Ban tieni laa tifidima ki gbeni, a yanjaga den taa ki tuugi leni yaa tuonsoanba ke baa bi naaninni ki yaa gaani i ηmapani. Bi jagi ki baa guani ki ηanbi bi tuonsoanba tili leni i ηmapani tili li fuuli, yaa tuonsoanba n ki ye bi tuonsoankaani kaa waani yaala yaa po, bimo yaa tuonsoanba n ñani li tuonli yogunu waamu po bi yaaba n ñani li tuonli nni ki kan ji guani, ki go pugini ki gaa yaaba yaa kani ke bi gaa yaa ligi ke baa bi naaninni ki gaa yi.

Yaa tuonsoanba n ηaa bi tuona, bi ban sieni yaaba yaa ηmapani li binli 2025 nni kani bi baa ki guani **miliyoni 11 leni k 75 330 leni falini 3 sefa ligi nni**, ke yaa ligi n pugini Baalo ligikpagu nni binli po mo tie **miliyoni 25 leni k 72 405 leni falini 2 sefa ligi nni**. Ban daame ke yaali n baa pugini Baalo ligikpagu nni ki tuugi leni yaa tuonsoanba n ηaa bi tuona ke bi sieni bi ηmaligi li binli 2025, cile ηmaalo nni, tie **miliyoni 13 leni k 141 962 leni falini 2 sefa ligi nni** .

II.2. Yaa koanbali n gobidi i laabaali, ku maasuagu, i nii tagima tuona leni yanluadi goada tuona puni a Koanbala taanli **laabaali lie (2)**.

U laabaalikpialu tuugi leni yanluadi goada, leni hotelinba (a dieduakaana) badu li ηandunli kuli po Waga dogu nni (SITO) boginma mi piiga n taabuamuma po li binli 2025, ciyia ki cili o 25 daali ki ban juodi o 28 daali.

Laa badu mayuli tie « **Yanluadi goada tuona leni Sayelli niba taayienu** ». Li boncanla laa badu po tie ke bi bogini ki baa tieni mi biigima ke mi yi" **Hakatoni Turisimi Teki**" ki baa teni yaaba n ñani a yantiapaana enterineti nni Bulicina Faso yanluadi goada po bu paabu.

SITO yeni cili li binli 2004 yo ke binli kuli laa badu yen tieni ke li yen pia likani yanluadi goada tuona caga caga lani n tie, Bulicina Faso leni dietoama nni jebuoli, i nii tagima tuona buoli, ti fuayandi leni hotelinba (a dieduakaana) ñuadima. Li todi ke yaaba n tuuni laa tuona boe leni biyaba ki go doagidi ki wangi bi tiadi leni bi bonkuadikaala.

U laabaalielu tuugi leni yaa diegu ke bi baa maa ki kuani lienni Toma SANKARA leni o piiga n yegininlieba (12) tiadi bunbuuncianli luodima ke li bogini ki baa tua 2025 cimuu o 17 daali Waga dogu nni.

Laa nannancianli yaali n ye Toma SANKARA bunbunli kani tuona den cili li binli 2024 ki baa yaa kaanciamu n ki pia u cine. Laa kaanciamu luodima li binli 2025, cimuu 17 daali bua ki tiadi di diema nni yaa lebidima n den cili bi niba kuli po 1983 binli cimuu 17 daali.

Laa bunbuuncianli kaanu baa teni tin yaa tiani ki go kubi ñama Bulicina Faso nni yaa lebidima n den cili 1983 binli cinii ñmaalo Yaaja n ñaa yaa faali politiki fuuli nni, ki go pugini Isidori Nowoli Toma SANKARA bunbuunli kaanu dieciangu gbamanu.

Mi diema Yundanciamo n baa gobidi laa badu.

Laa badu yogunu, bi go baa cili ki yaa gaani yaa diena n baa maa u kaanu yeni kani ligi.

U badu yen puoli, bi baa gagidi piiga n sani lie waga dogu nni ki yini sanu kuli Kapiteni Toma SANKARA piiga n yegininlieba yela.

II.3. A bicegidikaana cogu leni mi tuonsoanbanma bangima koanbali puni a koanbala taanli yaa laabaalu n tuugi leni ban bogidi yaa badu mi cilima po ki baa teni danalele siiga cogibiga kuli n tiadi o canbaa n tieni o po yaa ñanbili, li

binli 2025, ki cili cinaa o 30 daali ki ban tuoni cimuu o 06 daali, Bulicina Faso tingbanu kuli nni.

Yua n baa tugi laa badu yuli tie li Cicikoanbali yua n tie a koanbala liiga yua ke laa cicibadu yaala n tie ki cogibiga n tiadi o canbaa n ɲanbi o po yaala mayuli mo tie " **Canbaa, n jigini a, fini yua n wubi nni ki go puni nni mi banma**".

Ki cogibiga n tiadi o canbaa n ɲanbi o po yaala badu yeni baa tua ki cogibiga po, li cogibigbengili po, bi yua kua cogu ki baa bagima kuli po yaa yogunu ke o baa doagidi o pamanli leni o canbaa n ɲanbi o po yaala..

Laa sanbili go baa todi ki cogibiga o tuona boginli nni wan yugidi o canbaa yeli, ki go tigini canbaanba ban yaa tuuni ke li tiegi, ki go pa u cogu bi tuonsoanba leni bi niba boncianla i tundi a cogibila canbaa tuonli jigidi po.

II.4. Yaa koanbali n die u gbannansaagu jeliti tuona, bi nipanba leni a tuona baama puni a Koanbala taanli yaa laabaalu n tuugi leni yaa karate jeligu n baa tieni mi piilie n taabuanaama (24) Wuesi resiyoni 2 jeligu, ke ku bogini ki baa tieni li binli 2025 ciluoba ɲmaalo Waga dogu nni.

" Resioni Wuesi 2 Karate" jeligu lindi ki tiedi kaani boncianla ke lan todi laa gbannansaagu jeligu tuona suagima liiga ki go todi yaaba n tuuni karate tuona resiyoni Wuesi 2 nni n yugidi laa jeligu Afidiki diema nni leni li ɲandunli nni.

Ti diema baa bogini mi taanaama po laa jeligu yaagu ke Afidiki nipanba baa soani lienni ki doagidi bi banma. Laa jeligu boginli baa todi Bulicina Faso n pugini o tuona paalu li ɲandunli nni ki go todi a karate puala n bogini ki ban pua karaté lan tie li ɲandunli nni naani kuli.

Resion Wuesi 2 karate jeligu yeni, baa taani diema nii (08) Afidiki nintuali diemi nni, lani n tie Bene, Bulicina Faso, Kodi Vuari, Gana, Liberia, Niseeri, Niseeria leni Togo.

III. I BAN DINI YAABA A BALA

III.1. BAN DINI YAABA A BALA NIYENDO YENDO TUONA PO

A. YAA KOANBADIEGU N DIE TI DIEMA GUUDIMA LENI A MINTEELIKPELA MAAMA

- O joa, Yve Borèma **BADO**, minteeligbengili, dini li bali ki tua a minteela leni li guunli jakoanda ligi tuonsoandiegu Canbaanciamo.

B. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

- O joa Bukali **KINDA**, o lanba li tuonli nni tie **220 662 K**, ki tie a tinbuona gobidikoa, dini li bali ki tua a tuona sanbila goandikoa;
- O joa Daramani **BAGAYA**, o lanba li tuonli nni tie **111 295 M**, ki tie a tinbuona gobidikoa, dini li bali ki tua a tuona sanbila goandikoa;
- O joa Ditierisé **HIE**, o lanba li tuonli nni tie **117 002 W**, ki tie bi niba leni ti tuonsoandiedi gobidima tundikoa, dini li bali ki tua a tuona sanbila goandikoa ;
- O joa Barayima **DIARA**, o lanba li tuonli nni tie **32 646 P**, ki tie a cogibicegidikaana cogu tuona goandikoa, dini li bali ki tua a tuona sanbila goandikoa ;
- **BENGALY** pua Angèli **DARABO**, o lanba li tuonli nni tie **97 425 U**, ki tie a tinbuona gobidikoa, dini li bali ki tua a tuona sanbila goandikoa;
- O joa Sayidu **SAWURA**, o lanba li tuonli nni tie **97 432 U**, ki tie a tinbuona gobidikoa, dini li bali ki tua a tuona sanbila goandikoa;
- **TAPISOBA** pua Yabiyiri Rosini Erinesitini **KONKOBO**, o lanba li tuonli nni tie **74 720 V**, ki tie a tinbuona gobidikoa, dini li bali ki tua a tuona sanbila goandikoa;
- O joa Amidu **SORE**, o lanba li tuonli nni tie **23 665 K**, ki tie a tinbuona gobidikoa, dini li bali ki tua a tuona sanbila goandikoa;
- O joa Pego Abiduli Mumuni **SONDE**, o lanba li tuonli nni tie **97 435 E**, ki tie a tinbuona gobidikoa, dini li bali ki tua a tuona sanbila goandikoa;

- O joa Atanasi **SALU**, o lanba li tuonli nni tie **233 896 T**, ki tie a bicegidikaana cogu canbaa, dini li bali ki tua li koanbali todikoa ;
- Muenñogiti Luka **HIEN**, o lanba li tuonli nni tie **220 655 K**, ki tie a tinbuona gobidikoa, dini li bali ki tua a tuona sanbila goandikoa.

C.BU KPAABU, LI YANWUBILI LENI MI ÑIMA NNI BONPIAKAALA KOANBADIEGU

- O joa Wahabi **KABORE**, o lanba li tuonli nni tie **248 245 J**, ki tie gadeforenba tuona goandikoa, dini li bali ki tua bu kpaabu, i tiidi, li yanwubili leni mi ñimanni bonfuoda kubima tuonjaali tuona sanbila pegidima liigi yua bu kpaabu tuona sanbila boginma tuonsoandiegu kani;
- **SUNGARANA** pua Weta Esiteli **KOYITA**, o lanba li tuonli nni tie **264 393 G**, ki tie bu kpaabu tuona bando, dini li bali ki tua li koanbali todikoa ;
- O joa Suyelebebaare Sirili **YIPALE KPODA**, o lanba li tuonli nni tie **245 046 V**, ki tie li yanwubili tuona bando, dini li bali ki tua li koanbali todikoa ;
- O joa Honoré **ONAJA**, o lanba li tuonli nni tie **263 281 U**, ki tie bu kpaabu tuona bando, dini li bali ki tua bu kpaabu, li yanwubili leni mi ñima nni bonpiakaala Canbaanciamo Santidi-sidi desiyon nni ;
- O joa Isa **PABIGO**, o lanba li tuonli nni tie **232 029 P**, ki tie bu kpaabu tuona bando, dini li bali ki tua bu kpaabu, li yanwubili leni mi ñima nni bonpiakaala Canbaanciamo Buligu podovenso nni.

D. YAA KOANBADIEGU N DIIDI TI DIEMA LOAGU LENI I LIGI

- O joa Vila Isa **SANOGO**, minteeligbengili, dini li bali ki tua Bulicina Faso tiadakaadi kuama cagili liigi yua ;
- O joa Sidinoma Patiriki **YAMEWOGO**, o lanba li tuonli nni tie **49 337 G**, ki tie duaninba tuona gobidikoa, dini li bali ki tua mi diema nni

duaninba tuona bangima cogidieli liigi yua Bulicina diema ligi kubima cogidiegu kani;

- O joa Eme Inosan Misida **KABORE**, o lanba li tuonli nni tie **104 262 B**, ki tie Baalo ligi tuonsoandiedi tuona gobidikoa, dini li bali ki tua Baalo bondaakaala gobidima liigi yua i laabaali tenma tuonsoandieciangu kani.

E. LI GUUNLI KOANBADIEGU KANI

- O joa Seki Mohamedi **NANA**, minteeligbengili, dini li bali ki tua mi diema nni yaa tuonsoancagili n bogindi ki go guu mu tinmu tugu nni bonpiakaala tuona liigi yua (ONASSIMI).

F. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA

- O joa Wendiyaami Asili **KABORE**, o lanba li tuonli nni tie **220 315 R**, ki tie laabaalitenkoa, dini li bali ki tua o nisaalo n naaninni yaala cagili kani laabaali tenma liigi yua;
- O joa Dékupoko **SOME**, o lanba li tuonli nni tie **245 193 K**, ki tie Baalo ligi tuonsoandiedi tuona gobidikoa, dini li bali ki tua Baalo ligi bubuudi cagili liigi yua;
- O joa Pasicali **DABIRE**, o lanba li tuonli nni tie **59 939 A**, dini li bali ki tua yaa polisinba n guu a kpaada tuona goandikoa ki cili li binli 2024, cilele o 24 daali ;
- O joa Seyidu Honoré **WATARA**, o lanba li tuonli nni tie **98 063 D**, dini li bali ki tua yaa polisinba n guu a kpaada tuona goandikoa ki cili li binli 2024, ciluoba o 08 daali.

Bi dini Yaa niba n tie ne li bali ke bi tua yaa polisinba n guu a kpaada tuona goandikaaba ki cili li binli 2024, cilele o 27 daali :

- O joa Mamadu **TARAWORE**, o lanba li tuonli nni tie **92 665 K** ;

- O joa Madi **DABILIGU**, o lanba li tuonli nni tie **88 349 R** ;
- O joa Bubacari **SAWADOGO**, o lanba li tuonli nni tie **240 034 V** ;
- O joa Umari **DEMI**, o lanba li tuonli nni tie **240 037 C** ;
- O joa Aruna **SONDE**, o lanba li tuonli nni tie **92 656 K**.

G. YAA KOANBADIEGU N DIE A BONWAALA COGU, TI MAAMAAMAAMA COGU LENI TI DIEMA MABUOLI FINDIMA

- O joa Josefi **SAWADOGO**, o lanba li tuonli nni tie **47 550 P**, ki tie a cogibicegidikaana cogu canbaa, dini li bali ki tua li koanbali todikoa ;
- **KABORE** pua Serimeni **TENKODOGO**, o lanba li tuonli nni tie **43 413 U**, ki tie a bonwaala leni ti maamaamaama cogu tuona goandikoa, dini li bali ki tua li koanbali tundikoa ;
- **DIASO** pua Odeti **SAMA**, o lanba li tuonli nni tie **45 491 J**, ki tie a bonwaala leni ti maamaamaama cogu tuona goandikoa, dini li bali ki tua ku koanbadiegu tuona boginma sanbila goandikoa ;
- **LINKONE** pua Kaliké **SOMIBIRA**, o lanba li tuonli nni tie **27 358 S**, ki tie a bonwaala leni ti maamaamaama cogu tuona goandikoa, dini li bali ki tua ku koanbadiegu tuona boginma sanbila goandikoa ;
- O joa Sarili **SUREWEMA**, o lanba li tuonli nni tie **55 528 W**, ki tie a bicegidikaana cogu canbaa, dini li bali ki tua ku koanbadiegu tuona boginma sanbila goandikoa ;
- **WARE** pua Mari Filorensi **WEDIRAWOGO**, o lanba li tuonli nni tie **22 014 W**, ki tie u cogu saliwuudi diedi ligi leni li tiadi bonkubilo, dini li bali ki tua ku koanbadiegu tuona boginma sanbila goandikoa;
- O joa Mumuni **TAMINY**, o lanba li tuonli nni tie **53 512 D**, ki tie a biñinda cogu goandikoa, dini li bali ki tua ku koanbadiegu tuona boginma sanbila goandikoa;

- **KABORE** pua Isabeli Hadisa **SALANBERE**, o lanba li tuonli nni tie **40 618 K**, ki tie a bonwaala leni ti maamaamaama cogu tuona goandikoa, dini li bali ki tua ku koanbadiegu tuona boginma sanbila goandikoa.

III.2. BAN DINI YAABA A BALA A TUONSOANJAANA YELI PO

A koanbala taanli baa ban dini yaaba a bala a tuonsoanjaana gobidima po:

- mi diema nni bu kpaabu bangima cogidieli(ENEFA) yaali n ye Maturiku po bu kpaabu, li yanwubili leni mi ñima nni bonpiakaala koanbadiegu yeli po ;
- yaa tuonsoandiegu n diidi mi diema nni bi niba coali leni bi yema n cuoni maama leni u logitoñoagu tuonsoancagili ban yii yaali POROFARIMI ti diema loagu leni i ligi koanbadiegu yeli po ;
- bi puoba loagu tuona todima ligicagili (FAARIFI) mi niñingbadima leni toriyaba koanbadiegu yeli po.
- Bulicina jilijili sanu gobidima tuonsoancagili (SOPAFERI-B) yaa koanbadiegu n diidi i sani tienma leni a diegbenga maama yeli po ;
- mi diema nni mi bancanma linginma tuona ligicagili yaa koanbadiegu n die a cogibigbenga cogu leni mi bancanma linginma tuona yeli po.

Moko, a Koanbala Taanli baa ban dini yaaba li bali ke bi tua u logitoñoagu tuonsoancagili POROPHARIMI leni bi puoba loagu tuona todima ligicagili (FAARIFI) gobidikaaba.

**A. BU KPAABU, LI YANWUBILI LENI MI ÑIMA NNI
BONPIAKAALA KOANBADIEGU**

A Koanbala Taali taa **masienkaama tili yenli** ki dini li bali o joa Adama **KULIBALY**, o lanba li tuonli nni tie **243 151 B**, ki tie mu tinmu bandima cogu bando, ke o tua a tuona boginma gobidikoa bu kpaabu tuona bandima cogidiegu (ENAFa) yaagu n ye Maturiku cogibila yeli po wan baa ki tie a cobila liigi yua yaa dana bianu, ki tua o joa Sawonabateriyan SOME lebidu.

B. YAA KOANBADIEGU N DIIDI TI DIEMA LOAGU LENI I LIGI

A Koanbala Taanli taa **masienkaama tila taa (03)**.

Masienkaama tikpiali dini li bali o joa Abidulaye **SANKARA**, o lanba li tuonli nni tie **229 502 B**, ki tie li coali tuona bando, ke o tua yaa tuonsoandiegu n diidi mi diema nni bi niba coali leni bi yema n cuoni maama tuona boginma gobidikoa Baalo yeli po bu kpaabu, li yanwubili leni mi ñima nni bonpiakaala koanbadiegu kani bina taa (03) po daaga.

Masienkaama tilieli dini yaa niba n tie ne ke bi tua u logitoñogu cagili PROFARIMI tuona boginma gobikaaba bina taa (03) po daaga.

**YAABA N TUA A TUONA BOGINMA GOBIDIKAABA BAALO YELI
PO**

Yaa koanbadiegu n diidi ti diema loagu leni i ligi kani:

- O joa Somoséma Hilère **KY**, o lanba li tuonli nni tie **51 936 E**, ki tie duaninba tuona cagili goandikoa ;
- O joa Bangani **KONBARI**, o lanba li tuonli nni tie **51 181 R**, ki tie li lubili tuona goandikoa.

Li laafiali koanbadiegu kani:

- O joa Pabiguami Salifu **SONGO**, o lanba li tuonli nni tie **231 432 Y**, ki tie u ñoagu tagima logitolo leni li laafiali fuuli nni u loagu leni mi findima bando.

Yaa koanbadiegu n die a cogibigbenga cogu leni mi bancanma linginma tuona kani:

- **PAKOTOGO** pua Sanata **BANBA**, o lanba li tuonli nni tie **110 982 C**, ki tie iniverisite cogibila canbaa.

Yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani:

- O joa Jisiwéné Rosé **RAMIDE**, o lanba li tuonli nni tie **343 473 H**, ki tie u kpendu tuona nni tundikoa.

YAABA N TUA GOBIDIKAABA BULICINA FASO NNI U KPENDU LIGIGKAGU YELI PO.

- O joa Alen **SIRI**, o lanba li tuonli nni tie **56 696 T**, ki tie u loagu tuona gobidikoa leni mi bancanma liginma tuona bando;
- O joa Bétiyo Patidisi **NEDIWULA**, o lanba li tuonli nni tie **91 261 J**, ki tie Baalo ligidiedi goandikoa.

Masienkaama titaali dini li bali o joa Alen **SIRI**, o lanba li tuonli nni tie **56 696 T**, ki tie u loagu tuona gobidikoa leni mi bancanma lingima tuona bando, ke o tua u logitoñoagu tuonsoancagili **PROPHARIMI** tuona boginma gobidikaaba canbaanciamo bina taa (03) po daaga.

C. MI NIÑINGBADIMA LENI TORIYABA KOANBADIEGU KANI

A Koanbala Taanli taa **masienkaama tila lie (02).**

Masienkaama tikpiali dini li bali yaa niba n tie ne ke bi tua bi puoba loagu tuona todima ligicagili (FAARIFI) gobidikaaba Baalo yeli po bina taa (03) po daaga.

Yaa koanbadiegu n diidi ti diema loagu leni i ligi kani:

- O joa Viye Abiduli Rasidi **SULAMA**, o lanba li tuonli nni tie **58 436 H**, ki tie Baalo ligi tuonsoandiedi tuona gobidikoa, ki tua TOE pua Wendemi Poline SABA lebidu.

Bu kpaabu, li yanwubili leni mi ñima nni bonpiakaala koanbadiegu kani:

- O joa Subéré **TINTO**, o lanba li tuonli nni tie **97 535 N**, ki tie li yanwubili leni ti yandi buuma bando, ki tua o pua Sidipayété Roselini Térèsi NANA, ban yini yua tuontoana po, lebidu ;
- **SUNGARANA** pua Weta Esiteli **KOYITA**, o lanba li tuonli nni tie **264 393 G**, ki tie bukpaabu tuona bando, ki tua o pua Wendipuyiré Odili MANDE, ban yini yua tuontoana po, lebidu.

Masienkaama tilieli dini li bali o joa Viye Abiduli Rasidi **SULAMA**, o lanba li tuonli nni tie **58 436 H**, ki tie Baalo ligi tuonsoandiedi tuona gobidikoa, ke o tua bi puoba loagu tuona todima ligicagili (FAARIFI) gobidikaaba Canbaanciamo bina taa (03) po daaga.

D. YAA KOANBADIEGU N DIIDI I SANI TIENMA LENI A DIEGBENGA MAAMA KANI

A Koanbala Taanli taa **masienkaama tili** ki guani ki pandi o joa Pendabanba **NABALUMI** bali, o lanba li tuonli nni tie **55 749 L**, ki tie Baalo ligidiedi goandikoa, ke o baa ki tie Bulicina jilijili sanu gobidima tuonsoancagili

(SOPAFERI-B) tuona gobidikoa Baalo yeli po, ki kan go mibidi bina taa (03) po, yaa koanbadiegu n diidi ti diema loagu leni i ligi kani.

E. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA

A Koanbala Taanli taa **masienkaama tili** ki dini li bali o joa Giyi **KULIBALY**, ki tie yaa kpakpaalo n bua i tiluonke leni li fuali tiidi kubima, ki ye mi diema kpakpaaba cagicianli nni, ke o tua mi diema nni mi bancanma linginma tuona ligicagili gobidikoa bi kpakpaaba caga yeli po, bina taa (03) po daaga.



www.sig.gov.bf

Gufenema Masoagindo

Le Porte-parole du Gouvernement,



Pingdwendé Gilbert OUEDRAOGO

Chevalier de l'Ordre de l'Étalon

Pengidiwende Silibeedi WEDIRAWOGO

O baa Baalo jaandi leni Tanjoa maalima